

mjedisore ekzistuese. Proçesi i përpunimit të Planit Vendor, rezultatet dhe rekomandimet e tij do të testohen sipas një numri kriteresh mjedisore. Kriteret do të përfshijnë planifikimin hapësinor, ndryshimet klimaterike, demografinë, përdorimin e tokës, mbrojtjen e zonave të gjelbra, zbutjen e ndikimeve të fatkeqësive natyrore, infrastrukturën, strehimin, transportin, cilësinë e ujit dhe ajrit, biodiversitetin, shëndetin, standardet dhe përputhshmërinë me planet e tjera, dhe kriteret e tjera që do të dalin nga analiza e thelluar.

## **7. EKSPERTËT (FUSHAT E EKSPERTIZËS) QË DO TË PËRBËJNË GRUPIN E PUNËS QË DO TË HARTOJNË PPV-NË**

Përsa i përket organizimit të strukturave të përfshira në procesin e hartimit të PPV-së, dokumenti i planifikimit do të hartohet nga një grup ekspertesh që do të përzgjidhet me procedurën e prokurimit publik, realizuar nga Ministria përgjegjëse për planifikimin e territorit. Proçesi i hartimit të PPV do të bashkërendohet edhe me Ministrinë përgjegjëse në fushën e turizmit, bujqësisë, mjedisit, infrastrukturës, transportit, energjisë, bashkitë fqinje dhe çdo strukturë tjetër që mund të jetë palë e interesuar për zhvillimet në territorin e Bashkisë.

Stafi i bashkisë, i cili do të japë kontributin e tij në hartimin e dokumentit të Planit të Përgjithshëm Vendor është evidentuar si më poshtë:

- 1- Kejsi Voli – Përgjegjëse e Sektorit të Projektimit;
- 2- Delina Hoxha – Përgjegjëse e Sektorit të Planifikimit dhe Lejeve të Ndërtimit;
- 3- Evisa Mustafaj – Drejtore Juridike dhe Burimet Njerëzore;
- 4- Selman Çepele – Drejtori Ekonomik;
- 5- Vjollca Zeqo – Përgjegjëse e Sektorit të Bujqësisë;
- 6- Beshir Çepele – Përgjegjës i Sektorit të Investimeve dhe Mirëmbajtjes së Rrugëve;
- 7- Everina Tafa – Përgjegjëse e Sektorit të Menaxhimit të Projekteve Sociale dhe Koordinatore me BE-në.

Bashkia Roskovec si autoriteti përgjegjës për planifikimin e territorit siguron një proces dialogu, bashkëpunimi dhe bashkërendimi, horizontal e vertikal, me çdo autoritet të planifikimit e palë të interesuar, në fillim të procesit dhe gjatë hartimit të dokumentit vendor të planifikimit.

Bashkia Roskovec ka evidentuar krahas strukturave në nivel qendror (ministri e institucione vartësie) dhe strukturat në nivel lokal që luajnë rolin e paleve të interesuara dhe preken ose mund të kontribuojnë në zhvillimin territorial të Bashkisë Roskovec, të cilat janë si të cilat janë si më poshtë:



1. OJF - "Gruaja, Komuniteti, Mjedisi – harmonizuar për zhvillim";
2. etj.

## **8. PËRCAKTIME PËR FORUMIN KËSHILLIMOR VENDOR**

Forumi Këshillimor Vendor do të përbëhet prej Shoqërisë Civile, grupeve të interesit, personave dhe intelektualëve të profesioneve të ndryshme, që i kanë dhënë dhe i japin kontributin e tyre qytetit të Roskovecit dhe bashkisë në përgjithësi, shoqëritë e ndryshme që operojnë në territorin e bashkisë. Ky forum do të mbledhet 1(një) herë në muaj, në prezencë të Kryetarit të Bashkisë dhe stafit të bashkisë dhe do të shqyrtojë herë pas here ecurinë e hartimit të PPV për Bashkinë Roskovec. Gjatë mbledhjeve të Forumit Këshillimor Vendor do të diskutohen dhe do të jepen mendime e ide të ndryshme për hapa të ndryshëm të hartimit të PPV, si dhe për realizimin e objektivave dhe detyrave të ndryshme në përputhje me të gjithë faktorët që do të përfshihen në hartimin e PPV.

## **9. PËRCAKTIME PËR PROCESIN E BASHKËRENDIMIT, KËSHILLIMIT DHE TAKIMEVE PUBLIKE**

Gjatë hartimit të dokumentit të planifikimit është tepër e rëndësishme të sigurohet një proces dialogu, bashkëpunimi dhe bashkërendimi ndërmjet autoriteteve qeverisëse dhe komunitetit, me synim harmonizimin e trajtimit të çështjeve të rëndësishme kombëtare dhe vendore, të fushave e sektorëve të ndryshëm në planifikimin e territorit.

Mbështetur në Nenet 5 dhe 6 të VKM-së Nr. 686/2017 "Për miratimin e Rregullores së Planifikimit të Territorit", bashkërendimi horizontal ndërmjet autoriteteve kombëtare të planifikimit dhe bashkërendimi vertikal ndërmjet autoriteteve kombëtare dhe atyre vendore, janë përgjegjësi funksionale e Agjencisë Kombëtare të Planifikimit të Territorit (AKPT).

Në këtë kuadër, autoriteti përgjegjës i planifikimit pranë Bashkisë Roskovec parashikon të organizojë 4 (katër) ose më shumë seanca takimi publik dhe këshillimi përpara çdo vendimmarrjeje. Këto takime publike parashikohet të organizohen në Bashkinë Roskovec, si dhe në disa njësi administrative përbërëse të kësaj Bashkie, sipas rastit dhe nëse shihet e nevojshme.

Rezultatet, komentet dhe propozimet e takimeve publike do të reflektohen dhe do t'i bashkëlidhen dokumentit të planifikimit.



## **10. BUXHETI PËR HARTIMIN E PPV**

Plani i Përgjithshëm Vendor i Bashkisë Roskovec do të hartohet me mbështetjen financiare dhe teknike të Ministrisë së Infrastrukturës dhe Energjisë.

Kontributi financiar i Bashkisë lidhet me angazhimin e stafit të saj në procesin e grumbullimit të informacionit dhe organizimin e aktiviteteve publike, si dhe detyrimeve të veçanta financiare të kërkuara me ligj, si rishikimi i dokumentit të Vlerësimit Strategjik Mjedisor (VSM) nga Ministria e Mjedisit.

## **11. ZHVILLIMI NË TERRITORIN E BASHKISË DERI NË MIRATIMIN E PPV**

Deri në miratimin e Dokumentit të Planit të Përgjithshëm Vendor të Bashkisë Roskovec, zhvillimi në territorin e bashkisë do të kryhet në përputhje me Vendimin Nr. 1, datë 30.07.2015 të Këshillit Kombëtar të Territorit “Për përcaktimin e rregullave dhe procedurave që do të ndiqen nga autoritetet e zhvillimit të territorit për shqyrtimin e kërkesave për leje ndërtimi deri në miratimin e planeve të përgjithshme vendore”, i ndryshuar.

Nga ana e bashkisë nuk është marrë asnjë vendim për pezullimin e zhvillimit në territorin administrativ të njësisë vendore.

**Z. Rakip HAZIJAJ**

*Drejtor i Drejtorisë së Planifikimit dhe Zhvillimit të Territorit*

*Bashkia Roskovec*

